
ФАРҒОНА ТУМАНИДАГИ “САТТОРОБОД” ҲУДУДИДА 1000 ГЕКТАР ҚАРОВСИЗ ЕР МАЙДОНИ ҚАЙТА ЎЗЛАШТИРИЛИБ, ИНТЕНСИВ БОҒЛАР БАРПО ЭТИЛМОҚДА

Вилоят ҳокими Хайрулло Бозоров Фарғона туманидаги “Сатторобод” ҳудудида, “Дўстлик” МФЙда бўлиб, ушбу жойда аввалдан қаровсиз бўлган ер майдонларини қайта фойдаланишга киритиш ва интенсив боғларни жойлаштириш бўйича амалга оширилаётган ишларни кўздан кечирди.

Вилоят раҳбарининг топшириғи билан жорий йил апрель ойида ушбу ҳудуддаги қаровсиз ер майдонлари қайта фойдаланишга киритиш бўйича ишлар бошланган эди. Бугунги кунга қадар 500 гектарга яқин майдон ўзлаштирилиб, унинг катта қисмида интенсив узумзорлар барпо этишга киришилди. Фойдаланишга киритилган майдонлардан 15 гектари Ёшлар дафтарида киритилган оилаларга боғ барпо этиш учун ажратиб берилди. Суғориш билан боғлиқ муаммоларни ҳал этиш мақсадида ҳозирги кунга қадар 15 та суғориш тик қудуқлари бурғуланди. Шунингдек, ушбу ҳудудда ипотека кредитлари орқали аҳолини уй-жой билан таъминлаш мақсадида 48 та якка тартибдаги хонадон барпо этилмоқда.

Ҳозирда бу ерда олиб борилаётган ишларнинг суст кетаётганини қайд этган вилоят ҳокими, бу борада масъулларни қатъий огоҳлантирди. Хайрулло Бозоров йил якунига қадар 1000 гектаргача ер майдонини ўзлаштириш, етарли сув қудуқлари қазиш ҳамда фойдаланишга киритилган майдонларда интенсив боғлар барпо этиш бўйича топшириқ берди.

[Бизни ижтимоий тармоқларда кузатинг Facebook,](#)
2021-08-18 19:36:01